



Tuhaqtitauyakhaq

Ministanga Avatiliqiyiit: Nannut Ilaungittut Uumayunut Nunguliktunut

IQALUIT, Nunavut (Qiqaiyaqluaqvia 28, 2010) – Nangariyauyuq Daniel Shewchuk, Ministanga Avatiliqiyiit, ublumi tuhaqtittiyuq aallannguqtirutimik uumanu Kavamanga Nunavutip pitjutaanut piyumayanginnut titiraqlugu naunaitkutani nannut uumayunut nunguliktunut uumunga Ihumagiayayuni ataami uumanu Kanataup *Aallatkiinik Uumayunut Nunguliktunut Maligaq* (SARA). Naunaitkutikhakkalluangitmata nannunut ilauniariakhainut Ihumagiayayuni ililugit, Kavamanga Nunavut ikayungittaa Avatiliqiyiit Kanatami piyumayaat aallannguqtirlugu titiraqhimaqayainni.

Inuit anguniaqtit ilauyuvaktut nunamut uumayunullu. Tautukpaktut amigaitilaanginnik nannunik Nunavunmi ikiklivalliangittut aallat uqaqpagainut, kihimi amigaittut uumayut. Ilihimayaungittut avatingnit aallanilluuniit pitjutait ihuirutaulimaittut qilamik nannunut Kanatami. Taimaatut, Inuit kangikhihimayait ilitaqhinahuaqtainullu naunaiktaut uumayut pittaaqtut pilutiklu hungiutilutik aallannguqtirlikumut hilaptingnut pitjutainut, taimaa pivaktumut hunnani ukiuni.

“Nunavut ihuaqpiaktumik naunaitkutakaqtut havakatigiigutimut uumayunik munarivlutik atuqhugit ihuatqiyat ilittuqhaitjutit naunaitkutainni unalu Inuit Qaujimajatuqangit pitjutait pihimayumayaini, kangikhiyauhimayuni itquumayamingniklu,” uqaqtuq Minista Shewchuk. “Piluta piyughauyugut atuqlugit ilitaqhinahugitainut nunallaanilu tautukpagainut imaaluu malikhimaqtumik hilataanit pitquyainik ilihimangittunillu uqatainnik ihumagiayamingnik. Piittuq naunaittumik naunaitkutigiyakhamik ikayuutigilugu piyumayanginnut titiraqlugu naunaitkutainnut ilauniaqtunut.”

Nannut anginiqaqtut ilitariyauhimavlutiklu uumayut tamainnut nunakyuami, Inuinauyunullu atuqhugit ihuaqtumik munarivlugillu amigaitilaanginnut. Taimaatut, Avatiliqiyiit piniaqtut havakatigilugit paanariiktut munarihimmaaklugit naunaiyaklugillu nannut amigaitilaangit qanuqlu pitjutauniariakhainut pitjutauyanut taaffumatut aallannguqtirutimut tariumi hikumi amigaitilaangit humiittaakhainullu. Nannunut havakatigiikhutik munaritjutainut paanariikhutik Nunavunmi ilitariyait ilangit naunaittut munaritjutikhanut ihumagiayayut ukunatut Baffin Bay unalu Western Hudson Bay nannut amigaitilaangit, imaaluu havaktut ihuaqtunik munaritjutikhanik amirilugit piyakhat tahapkununga pilugu ihumagiayayanut.

“Uumayuliqinirmut munaritjutait angiyuq piyainni imaaluu qilamik kiuyukhauvlutik aallannguqtirutinut,” Minista Shewchuk uqaqtuq. “Taimaatut, havakhimmaakniaqtugut havakatigiikluta qauyiailuta munarilugillu, imaaluu ihuaqtumik utaqqinnaittumiklu munaritjutikhanut ihumaliuqluta tahapkuat nannut ihmamaarianginni hivuniptingni inuuuitjutauyumi”.

###

Naunaiyarumagungni Uqaqvigilugu:

Sharina Dodsworth

Havallaktuq Atannguyaq, Tuhaqtitjutinut

Avatiliqiyiit

✉ (867) 975-7749 | (867) 222-0259

✉ sdodsworth@gov.nu.ca

新闻稿可用因纽特语、英语、因纽曼纳顿语和法语在 www.gov.nu.ca 上阅读。

News releases are available in Inuktitut, English, Inuinnaqtun and French on www.gov.nu.ca.

Tuhaqttaghat ittit Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.